

MEDICAE FACULTATIS DECANI
**HERMANNI FRIDERICI
TEICHMEYERI**

PHILOSOPHIAE ET MEDICINAE DOCTORIS, ANATOMIAE, CHIRUR-
GIAE AC BOTANICES PROFESSORIS PVBLCI ORDINARII,
ET REG. SOC. SCIENT. BORVSS. SOCI

PROGRAMMA INVITATORIVM

DE

LYMPHA CEREBRI

TERTIVM

DISSERTATIONI INAVGVRALI

DE

ANEVRYSMATE

DIE VII. AVGVSTI, M DCC XXVIII.

HABENDAE

PRAEMISSVM

GENAE, DOMINICA X. POST TRINITATIS
M DCC XXVIII

LITTERIS MULLERIANIS.



Landula pituitaria in homine non simplex, sed duplex a WILLISIO & DRE-
LINCVRTHO statuitur, fortassis, quo-
niam in illa fossulam, quam LITRIVS*
descripsit, simul observarunt. Quæ
fossula quidem hanc glandulam non
in duo corpora dividit, sed tantum
aditum lymphæ cerebialis, per infun-

dibulum allatæ, ad eam concedit.

Hæc glandula undique reti mirabili cincta, succum
quendam tenuiorem, a carotidum ramis sibi suffectum, secer-
nit, quo humor lentus, a ventriculis cerebri ad ipsam dela-
tus, diluatur. Omnis autem lympa cerebialis, per hanc
glandulam percolata atque trajecta, miscetur deinceps cum
sanguine, pro novo circulo subeundo. Hæc sententia LI-
TRII probabilis valde est, quoniam alia via vix datur ad
evacuandam hanc lympham.

Quod vero glandula hæc liquorem cerebralem, per
infundibulum allatum, commode transmittere valeat, exin-
(2 de

* In Historia Academ. Reg. Parisin. 1707.

de patet, quoniam flatus, per infundibulum admissus, hujus glandulæ partem cineream extendit, quod LITRIVS observavit, l. c. Et porro hic autor confirmat, tunicam externam hujus glandulæ multis foraminulis esse pertusam, ex quibus lymphæ propullulans, sanguinem intrat.*

De jam exposito glandulæ pituitariæ usu dubitare videtur Celeberrimus HEISTERVS, ** Patronus ac Fautor noster colendisissimus, commotus sequentibus rationibus. 1.) Inquit, *glandularum officium esse, secernere*. Veruntamen secretionem lubentissime concedimus, sed in hac glandula subtilis lymphæ secreta, cum crassiuscula ventriculorum cerebri lymphæ mixta, hanc temperat, fluidiorem reddit, eamque ita adaptat, ut facilius possit cum sanguine venoso misceri. 2.) Arbitratur Vir Celeberrimus, quod *simplex canalis suffecisset ad lympham cerebralem, per infundibulum ad massam sanguineam ducendam*. Verum enim vero quod non suffecisset simplex canalis, & quod glandula pituitaria in hoc negotio absolute sit necessaria, ex antea dictis patet, dum lymphæ cerebralis viscosa, in hac glandula percolata, & subtili lymphæ permixta, adaptatur ad novum circuitum, cum sanguine instituendum. 3.) Putat Celeberrimus Vir, quod *substantia firma & dura hujus glandulæ illi usui contradicat*, quam sententiam simul fovet celeb. Angliæ Anatomicus, DRAKIVS ***. Ast hoc dubium mihi vix sufficere videtur. Nam 1.) ut LITRIVS & SANTORINI demonstrarunt, tanta soliditas in hac glandula non est, quia per flatum dilatari potest. Et insuper 2.) adesse debet in omnibus glandulis percolantibus aliqua soliditas. Hac enim adaptantur ad divisionem fluidorum viscosorum, eo commodius instituendam.

ANTO.

* Hoc confirmat simul Celeb. SANTORINI, in *Observ. Anatom.* Cap. III. pag. 70.

** In *Compendio Anatomico*, pag. 128. Edit. noviss.

*** In *Anthropologia*, Lib. III. Cap. 4. pag. nr. 282.

ANTONIVS PACCHIONIVS, * qui lympham cerebralem in lympham cerebri & cerebelli dividit, quoque statuit, quod lymphæ anteriorum ventriculorum deportetur, per infundibulum, ad glandulam pituitariam, atque ab hac in venam jugularem. Lymphæ vero cerebelli, secundum ejus sententiam, deportatur a quarto ventriculo ad calamus scriptorium, aut ut in sanguinem per venas dentuo resorbeatur, aut ut in ipsius spinalis medullæ lenem humectationem cedat. Admittit ideo nobiscum lympham in quarto ventriculo, non vero nobiscum consentit, quod illa promoveatur vi valvulæ cerebri, per pontes SYLVII & VAROLII, ad infundibulum. Ratio hæc est, quoniam situs declivior atque magis profundus hujus quarti ventriculi, valvula cerebri tecti, ei scrupulum movere videtur. Ex cujus profunditate quidem lymphæ cerebri sua sponte adsurgere non potest infundibulum versus, facile vero ad illud aditum invenit, si vi & motu hujus machinæ musculosæ, valvulæ nempe cerebri, sursum movetur & premitur.

Est ideo in nostra theoria, qua defendimus motum lymphæ cerebri, ex quarto ventriculo ad infundibulum vi valvulæ cerebri, minor difficultas, quam in Pacchioniana, antea exposita. Putat quidem PACCHIONIVS, conjecturam suam, de descensu lymphæ cerebri ex quarto ventriculo, per calamus scriptorium, ad spinalem medullam, confirmari observatione quadam, ei communicata ab Illustri LANCISIO, de puero quodam, capitis hydrope laborante. In hoc puero concrevit successive ad coccygem tumor, qui a Chirurgo apertus, per aliquot dies ingentem feri limpidi copiam fundebat, & ita puer convaleuit, hydrocephalo liberatus.

Veruntamen vix credibile est, tumorem concrevisse ex lymphæ cerebelli, per calamus scriptorium, ad spinalem medullam usque delata. Via enim valde obscuræ sunt. Nostra autem via, qua lymphæ calami scriptorii, & quarti cerebri

* In Tractatu de Dura matre, ejusque glandula.

rebri ventriculi , ad infundibulum tendit, plana est, aperta & evidens.

Exposita itaque origine lymphæ cerebialis, ejusque evacuatione, in binis prioribus programmatibus, restat modo usus exponendus. Puto vero illum esse multifarium. Et quidem 1.) lymphæ cerebialis secernitur ex hac ratione, ut rectificentur spiritus, ad nervos properantes. Cum hac nostra theoria consentit CRANIVS.* 2.) Lymphæ cerebri humectat cerebrum, illudque in sua convenienti temperie conservat, & ita adaptatur cerebrum ad muneribus suis fungendum, etiam ad somnum, rite capiendum. Si enim nimium exsiccatur cerebrum, fit agrypnia, somnusque denegatur. Si nimium humectatur cerebrum, nascitur somnolentia, imo plane oriuntur affectus soporosi. Ego in sectionibus cadaverum duplicem talem cerebri statum oculis meis vidi. In aliis enim deprehendi justo copiosiores lymphæ cerebialis abundantiam, tum in meningum interstitiis, tum in ipsis ventriculis. In aliis contra tantam notavi cerebri ficitatem, ut sane meninges inter se firmiter conglutinaverint. Denique 3.) lymphæ cerebialis, ex glandulis duræ & piæ matris propullulans, humectat meninges, in specie duram matrem, earumque musculos, & lacertos musculosos, in debita flexilitate conservat. Quemadmodum enim lymphæ pericardii humectat superficiem musculorum cordis, & ita illorum flexilitatem conservat: Ita pari modo flexilitas musculorum, & lacertorum duræ matris, a lymphæ cerebali conservatur.

Hæc sufficiat dixisse de lymphæ cerebali occasione Dissertationis inauguralis Nobilissimi & Clarissimi Medicinæ Candidati,

IOANNIS FRIDERICI
FREDERSDORFFII.

Natus

* In Tract. de Homine, pag. 405.

Natus est Zwenckaviæ, urbe in circulo Lipfienfi fita, die VI. Octobr. anno MDCCII. Pater ipsius fuit Vir admodum reverendus, nunc vero beatus, Dn. CHRISTIANVS FREDERSDORFFIVS, Diaconus quondam Zwenckaviensis. Mater vero, quam Divinum Numen diu in vita conservare velit, est BARBARA DOROTHEA, Archi-Diaconi quondam Pegaviensis, optimæ meriti, Dn. M. MARTINI, HESSII filia. Hi optimi parentes post S. baptismatis lavacrum ipsum primum privatis commiserunt præceptoribus, ac bonis moribus, pietate & literarum fundamentis eum erudiendum curarunt. Inter quos in specie laudat Dn. DOERINGIVM, Pastorem jam vigilantissimum Ecclesiæ Goerizianæ. Deinde cum parum adolefceret, in inclytum Gymnasium Martisburgense translatus, in eoque publica informatione atque privata usus est omnium tunc temporis viventium præceptorum, Dn. M. KYFFERI, collegæ tertii, Dn. HENCKELII, Conrectoris, Dn. M. VHLII, Rectoris. Sub horum doctissimorum præceptorum ductu tantos in humanioribus studiis, & liberalibus artibus, fecit progressus, ut dignus fuerit judicatus, qui ad altiora, Academica nimirum studia, animum applicaret.

Anno vigesimo hujus seculi suafu Patronorum celeberrimam salutavit Lipfiensem Academiam, & in numerum studiosorum receptus fuit a Rectore tunc temporis Magnifico Dn. D. OLEARIO, Iurium P. P. O. Celeberrimo.

Præter alias lectiones publicas, ab Excellentissimis Professoribus Philosophiæ institutas, inprimis sedulo auditit Cl. Dn. D. AVGVSTVM FRIDERICVM MÜLLERVM, & celeberrimum Philosophum ac Medicum Dn. ANDREAM RÜDIGERYM, quorum fidem & diligentiam grata mente agnoscit.

His transactis, studium medicum, tanquam suum ἑργον, serio tractare coepit, & ideo visitavit celeberrimorum Medicorum Collegia, Dn. D. SCHACHERI, ETTMÜLLERI, WALTHERI, PLATTNERI, LISCHWITZII, PEZOLDI, Anatomica, Physiologica, Botanica, Chirurgica, Pathologica, Semiotica, Therapeu-

pevica, Chemica. Interfuit quoque decem sectionibus, partim a consummatissimo SCHACHERO, partim ab exercitatissimo Anatomico Lipsiensi, WALTHERO, institutis. Totum autem systema medicum in nexu pertractavit, præeunte Excellentissimo Dn. D. WALTHERO, Practico Lipsiensi felicissimo.

Finito ita, cui per integrum sexennium insudavit, studiorum suorum curriculo academico, per biennium in patria commoratus est, praxin se exercendi sine, in qua ei obviam venerunt aliquot casus, valde notabiles, in quibus tamen Divini Numinis clementiam & benedictionem expertus est. Ante breve tempus nostram accessit Academiam, & postquam matriculæ academicæ nomen suum inscribi curavit, a nostra Facultate decenter petiit, ut in numerum candidatorum reciperetur, & ad examina consueta admitteretur, quo etiam obtento, in examinibus abunde sacis eruditionem nobis probavit. Disputabit ideo pro Licentia, sub Præsidio Excellentissimi Dn. D. HILSCHERI, Collegæ nostri Honoratissimi, de *Aneurysmate* die VII. Augusti.

Quem actum panegyricum ut Magnificus Dominus Pro-Rector, Illustrissimi Domini Comites, Aulæ item, & Academiæ Proceres, Hospitesque omnium ordinum honoratissimi, gravissima & benevola præsentia cohonestare dignentur, nomine Collegii mei, ea, qua par est, humanitate rogo eosque invito. P. P. le-næ, sub Sigillo Facultatis Medicæ, Dominica X. post Trinitatis, M DCC XXVIII.

